

UGOVOR

za usluge zamjene rasvjetne instalacije za potrebe Ustavnog suda Bosne i Hercegovine

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: **Naručilac**)

i

„I LIGHTING“ d.o.o., Zmaja od Bosne br. 47A, Sarajevo, koga zastupa Naser Hukić, direktor (u daljem tekstu: **Izvršilac**)

Član 1.

Predmet ovog ugovora je zamjena rasvjete i instalacija prema definisanim uslovima iz ponude Izvršioca od 20. decembra 2018. godine.

Član 2.

Cijena za izvršenje usluge iz člana 1. ovog ugovora 4.273,50 KM bez uračunatog PDV-a odnosno 5.000,00 KM sa uračunatim PDV-om.

Član 3.

Izvršilac se obavezuje da će usluge iz člana 1. ovog ugovora izvršiti najkasnije do 31. decembra 2018. godine.

Član 4.

Izvršilac se obavezuje da će stručno i kvalitetno izvesti usluge definisane ponudom, te da će za izvršene usluge dati garanciju u skladu sa ponudom.

Izvršilac se obavezuje da će se odazvati svakom pozivu na reklamaciju izvršenih usluga i o svom trošku otkloniti sve nedostatke nastale vlastitom greškom, a najkasnije u roku od 3 dana po pismenom zahtjevu Naručioca.

Član 5.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 20 dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.
Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.


Ovaj ugovor stupa na snagu danom potpisivanja od obje ugovorne strane.

Član 9.

Ugovor je sačinjen u četiri (4) istovjetna primjerka, od kojih obje ugovorne strane zadržavaju po 2 (dva) primjerka.

ZA IZVRŠIOCA


Naser Hukić



Direktor

ZA NARUČIOCA

Nataša Vuković



Generalni sekretar

Ustavnog suda Bosne i Hercegovine

Datum: 21.12.2018.
Broj: _____

Datum: 21.12.2018.
Broj: SU-08-1268-2/18